

Broj: 105-6494/20 DŽS *MS.*
Zenica, 12.06.2020. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-6492-1/20 DŽS od 12.06.2020. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-6492/20 DŽ od 12.06.2020. godine u postupku dodjele okvirnog sporazuma za nabavku dolomitnih agregata za investicije i redovno održavanje i prihvata se preporuka Komisije za nabavke da se okvirni sporazum zaključi sa ponuđačem:

GRAĐEVINAR d.o.o. Novi Travnik

kao najbolje ocijenjenom ponuđaču, prema ponudi protokolisanom pod brojem: 501-6243/20 od 02.06.2020. godine, za ponuđenu cijenu od 186.000,00 KM, bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču GRAĐEVINAR d.o.o. Novi Travnik nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

III

Cijena ponude iz čl.1. ove Odluke, nakon provedene e-aukcije je umanjena za 3,23 % u odnosu na prvobitno ponuđenu cijenu izabranog ponuđača. Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

IV

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 105-5259/20 HK od 08.05.2020.godine. Javna nabavka je provedena putem otvorenog postupka sa zaključivanjem okvirnog sporazuma na period od 24 mjeseca.

Procijenjena vrijednost javne nabavke bez uračunatog PDV-a je 178.000,00 KM.

Dana 08.05.2020.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-200-3-12/20 objavljena je i tenderska dokumentacija.

Poziv za preuzimanje tenderske dokumentacije broj: 406-5259-2/20 HK od 08.05.2020. godine upućen je sljedećim ponuđačima:

1. IGM-IUT Haskić d.o.o. Vitez
2. Kalvarija Cop d.o.o. Vitez
3. Građevinar d.o.o. Novi Travnik
4. ALMY d.o.o. Zenica

U prilogu Odluke dostavlja se Izvještaj o preuzimanju tenderske dokumentacije od strane ponuđača preuzet sa portala javnih nabavki dana 09.06.2020. godine u 08:21 sati.

Rok za dostavljanje ponuda je bio 02.06.2020. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. ALMY d.o.o. Zenica
2. Kalvarija Cop d.o.o. Vitez
3. Građevinar d.o.o. Novi Travnik

Komisija za nabavku imenovana je Odlukom broj: 105-4040/20 BS od 23.03.2020. godine.

Komisija za nabavku je dana 12.06.2020. godine direktoru preduzeća dostavila Izvještaj o radu broj: 501-6493/20 od 12.06.2020. godine i Preporuku o izboru najpovoljnijeg ponuđača broj: 501-6492-1/20 od 12.06.2020. godine u postupku nabavke dolomitnih agregata za investicije i redovno održavanje.

U postupku, prema Izvještaju o radu Komisije, utvrđeno je da je:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- ukupno 10 (deset) ponuđača je preuzelo tendersku dokumentaciju sa Portala javnih nabavki.

Dana, 02.06.2020. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda.

Uvidom u priloženu dokumentaciju otvorenog postupka za javnu nabavku broj: 406-5259-3/20 HK od 08.05.2020. godine – Nabavka dolomitnih agregata za investicije i redovno održavanje, a tokom preliminarne pregleda i ocjene prispjelih ponuda, Komisija po članu 66. Zakona o javnim nabavkama (“Sl. glasnik BiH”, broj: 39/14), i članu 17. Uputstva za pripremu modela tenderske dokumentacije i ponuda (“Sl. glasnik BiH”, broj: 90/14), nije našla osnovan razlog da izrazi sumnju da je ponuđena cijena ponuđača neprirodno niska.

Svi ponuđači su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 10.06.2020. godine, u terminu od 11:00 sati. Ponuđači ALMY d.o.o. Zenica i GRAĐEVINAR d.o.o. Novi Travnik su dostavili odgovarajući dokaz o preferencijalnom tretmanu domaćeg.

Ponude ponuđača, prije početka e-aukcije su:

1. GRAĐEVINAR d.o.o. Novi Travnik, sa ukupnom cijenom ponude u iznosu od 192.200,00 KM, bez PDV-a
2. KALVARIJA COP d.o.o. Vitez, sa ukupnom cijenom ponude u iznosu od 177.250,00 KM, bez PDV-a
3. ALMY d.o.o. Zenica, sa ukupnom cijenom ponude u iznosu od 225.700,00 KM, bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačna rang lista ponuđača, a uzimajući u obzir da se u poređenju cijena ponuda preferencijalni tretman domaćeg u iznosu od 5% primjenjuje na cijenu ponude ponuđača ALMY d.o.o. Zenica i GRAĐEVINAR d.o.o. Novi Travnik, nakon završetka postupka e-aukcije:

1. GRAĐEVINAR d.o.o. Novi Travnik, sa ukupnom cijenom ponude u iznosu od 186.000,00 KM, bez PDV-a
2. KALVARIJA COP d.o.o. Vitez, sa ukupnom cijenom ponude u iznosu od 177.250,00 KM, bez PDV-a
3. ALMY d.o.o. Zenica, sa ukupnom cijenom ponude u iznosu od 225.700,00 KM, bez PDV-a

S obzirom da i nakon e-aukcije vrijednost najpovoljnije ponude prelazi procijenjenu vrijednost postupka podnosilac zahtjeva za nabavku u predmetnom postupku se dana 10.06.2020. godine obratio Upravi ugovornog organa prijedlogom za prihvatanje ponude sa obrazloženjem da vrijednost prvorangirane ponude nije značajno veća od procijenjene vrijednosti (manje od 5% od procijenjene vrijednosti), te da bi u slučaju poništenja postupka zbog vremena potrebnog za provođenje novog postupka bila ugrožena realizacija već započetih investicionih poslova jer je materijal predviđen nabavkom neophodan za normalno funkcionisanje kako redovnih poslova održavanja vodovodne i kanalizacione mreže tako i realizaciju planiranih investicionih radova. Uprava je prihvatila obrazloženje i saglasila se sa navedenim prijedlogom.

Polazeći od gore navedenih konstatacija, shodno odredbama Zakona i opštim aktima ugovornog organa, Komisija je, prema utvrđenom kriteriju „najniža cijena“, dala preporuku da se okvirni sporazum na period od 24 mjeseca zaključi sa najuspješnijim ponuđačem GRAĐEVINAR d.o.o. Novi Travnik.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

DOSTAVLJENO:

- 1 x Ponuđaču
- 1 x Direktor preduzeća
- 1 x Pom.dir.za ekon. i pravne posl.
- 1 x Pom.dir.za tehn.posl.
- 1 x Pom.dir. za razvoj i inv.
- 1 x Komercijalna služba
- 1 x Tehnička služba
- 1 x Sekretar Komisije
- 3 x Članovima Komisije
- 1 x a/a



DIREKTOR

Pašalić Emir, dipl.ing.građ.